

湖海樓詞集

冊二

湖海樓詞集卷九

宜興陳維崧其年著

黃岡杜濬于皇

蕭山毛奇齡大可選

興化吳元萊北海

慈谿姜宸英西溟

婆羅門引

題露筋祠

露筋祠下寒蓬森森去何之停橈一問靈旗招悵千  
年古廟陳蹟幾人悲只風前燕子雨後棠梨俯仰  
獻歎憑弔處更憐誰惟有淮陰漂母一樣蛾眉估船  
爭泊問何人拂蘚一題詩依稀見玉佩珠衣

香櫞

晚風千顆纍纍纔與畫簷平綻來剛趁秋晴怪底勻  
圓如許青女手搓成乍迴廊小摘冷韻旋生冰螯  
翠罌壓疊在小紅檠弄影夕陽黃處檀暈偏明空香  
如雨最宜人昨夜恰微醒何須數西崦霜橙

第

維岳緯雲

參閱

宗石子萬

男履端

姪賜薛

校

荔枝香

早春校香嚴詞竟寄孫無言於揚州  
雨後春梅初浣開篋衍試取紅杏尚書小令閑編纂  
幾番拍徧新詞絕調千秋罕翻惹簌簌輕塵畫梁滿  
書寫竟正江上楚山晚鴨綠粼粼笑倩雙魚寄遠  
到及廣陵明月橋頭夜簫煖早付竹西歌管

拍闌干

過蝶庵書事

沉吟檻外分明有箇人兒在隔着軟簾聞細效轉過  
屏間做就生疎態夜來曾否春醒害底事無言只撚  
笙篴帶曉寒佯脫紅綿耐檢出香詞細覓檀奴解  
嗔人暗把風情賣嚼爛花箋碎向粉牆拋灑

祝英臺近

咏橘

水濛濛烟烟媚媚紅遍江南樹小陸懷中數顆偏憐汝  
笑他梅子心酸蓮兒心苦都讓爾甘芳如許增悽  
楚記得解橘春纖指冷偎人處一別吳娘往事渾無

據自從那日傳柑幾番元夜總則是淚珠如雨  
元夕後一日同雪持京少飲雲臣齋頭

軟簾垂孤館悄燈燼穗還韉纔過元宵便有嫩陰做  
幸值俊侶嬉春狂朋選夜拚擋得心情較妥斟紅  
糯醉後多恐塵寰無計容留我小海傳聞種露桃千  
顆與君擲笛宮牆掃花洞府剪幾闋霓裳偷和

善權寺相傳爲祝英臺舊宅寺後一臺云其  
讀書處也壁間舊有谷令君一詞春日與  
雲臣遠公披蘇讀之共和其韻

傍東風尋舊事愁臉界紅筋任是年深也有繫人處  
可憐黃土苔封綠羅裙壞只一縷春魂拋與爲他  
慮還慮化蝶歸來應同鶴能語贏得無聊呆把斷垣  
覷那堪古寺鶯啼亂山花落惆悵煞臺空人去

舟夜聞簫

水烟昏塘月午欸乃亂更鼓颯沓空檣浪急打楓樹  
恰逢羈客停船誰家樓上忽飄墮簫聲一縷淚如  
雨對此萬里清光舊家在何處人世何聲更似此淒

苦依稀記宿江州蘆汀蓼渚有十萬夜猿齊語

題季柔木小影兼誌別懷

紅韎鞬紫羅囊小縛黃皮袴快馬健兒裝急憑君作  
更聞歷落嶽嶽交游然諾依稀是君家之布 歲行  
暮可憐雪浪烟帆來朝趁人渡呵手敲冰爲君一題  
句他年展軸哦詩懷人顧影好頻寄江東魚素

糊窗 臬署作

研光箋白地錦糊就幾楞雪玉淨珠融不怕沍寒冽  
虧他貯旭娛冬留香伴夜惹月練和烟縈纈 寸心  
折那得蜂啞鶯穿漏箇針尖缺歸夢徜徉免被瑣窗  
截翻思故國茅簷殘缸擁背聽敗紙戰乾風葉

春游偶憩靜山禪院

隔溪村臨水店行處誤偏好趁寺尋鐘鐘響冷於瀑  
粉梅纔綻些兒被誰烘圻算晴色朝來逾峭 亂帆  
杳一半消入烟中空潭劇幽窅小憩經房無言只微  
笑此時正定吟魂浦禽多事又踏折一枝烟篠

維摩天女恰同參爲閻牛叟賦牛叟兌閣遺

微曰妻屢勸予參訪者宿究向上一着而  
以鈍根未果近慚龐媼遠負萊妻

水精簾翡翠鎖不許俗塵宛繡罷鴛摩窗畔茜絨唾  
分明簷蔔林香楞伽寺靜只多了阿奴旁坐歸去  
可好趁水月潮音早上雪山座怪煞蕭郎彈指景光  
錯請伊試看人間閒花浪朵總一霎笛聲吹破

送陸雲士之任郟縣

雁頭箏龍尾撥曾記孀儂處轉眼畫旗嫋嫋引君去  
遙知小陸風流來春縣裏種紫艷紅香無數郟縣  
路森森晚渡秋山我昔作行旅一髮中原風起濁河  
怒君經洛水平橋陸渾小店定和我蘇牆題句

杞梁妻祠下作在齊河縣長城鋪

畫旗飄靈幄捲彩翠剝如雨玉貌明粧隱隱怨蛾聚  
可憐枳殼花開疑丹點絳盡千載啼斑偷注黯凝  
佇滿壁水墨全昏猶把斷腸譜繡帔尼師指點向廊  
柱怪他哭後長城崩餘粉堞忒畫得周遭如許壁上  
畫杞梁遺事一帶長城歷歷

四園竹

題西陵陸蓋思繞屋梅花圖像

西陵高士小隱段橋東十年酒聖半世詩顛千古文  
雄銅將軍麴道士楮先生者三君踪跡時同屋如  
蜂屋頭無數冷香籬門都浸其中鎮日和烟和雨點  
點欹斜片片朦朧杯在手長側帽林間一笛風  
龔節孫臥疾東郊秋日過訪用片玉詞韻

山光水態濃淡上烟屏菊搖暗壁蛩語壞廊人臥蕭  
幃停碧簫歇翠竿檀奴嬾况小窗風月應知漫淒  
其牀頭尚有龍泉從君且訂交期戲作藥名艷體閒  
檢方書寫上香辭臨欲去日影銍茶烟颺漸稀

撲蝴蝶

咏蝶

一生踪跡總在花深處幾番消受小院紅樓午粘來  
珠幌如癡落上繡裙成雨有人記曾暗結同心苴  
如今重到依稀不認他門戶滿園野菜領游蜂三五  
惹殘流水難憑舞徧微風莫主賺人一天花絮

側犯

奚蘇嶺先生書來訊我近况詞以奉柬

罷官不樂畫簾暮卷空江雨無緒憶罨畫溪頭有人  
住堦前灌莽合屋後虬梅古傳語問彊飯還能著書  
否使君足下別後難行路嗟帶甲滿乾坤只有儒  
生誤昨已廢書行將學賈市上屠牛山中射虎

百花洲訪南水上人

閒尋茂苑摘船碾徧琉璃滑明滅望半畝精廬隱林  
樾空香粘茗粥野翠連巾拂幽絕想夜夜經臺浸秋  
月吳宮似夢往事和誰說舊時節記盈盈水面蓮  
歌徹幾陣西風繁華吹歇滿江紅蓼一園黃蝶

送入我門來

同龔仲震小飲高汝敬紅梅花下高係忠憲

公孫所居卽忠憲祠

松漱微波山鋪暝翠軟風吹得帆斜柴門將掩步履  
詣君家靈均祠畔多香草總變做孤山樹樹花小  
縷紅糟鷄跼選花陰碧磴弄酒拈茶况有良朋憑醉

一珍微宋版  
作生涯明朝搖櫓入城去約仍過山窗聽暮鴉

寄書

香茗才情簪花模樣斜舒蜜色牋兒霜毫纔吮早已  
淚如絲楚天樓上湘娥倚奈湘雨湘烟十二時說  
與天涯游子近日慼慼春病生怕難支爲趁雙魚無  
物寄相思真珠滴向紅綃滿怕綃滑珠圓難寄伊

一叢花

咏白丁香同遠公天石和原白韻

一枝低亞晚粧臺吸露沁蘭胎李花柳絮都難似染  
梨雲一色新裁白粉牆邊水明樓上動竊玉情懷  
纍纍銀粟費安排爭趁月中開曾經打就心頭結相  
看處脈脈疑猜記得重門和他小摘此事十年來

楊梅

江城初泊洞庭船顆顆販勻圓朱櫻素奈都相遜家  
鄉在消夏灣前兩崦蒙茸半湖羃歷籠重一帆偏  
買來恰趁晚涼天冰井小亭軒粧餘浴罷春纖濕粉  
裙上幾點紅鮮莫是明朝有人低問羞暈轉嫣然

閏三月三日竹逸齋頭看紫牡丹記前月修  
楔虞山故前半闋及之

琴川前月記幽探艇子漾柔藍冶游恰值人修楔風  
光在碧嶂紅潭街上錫簫山邊薺菜春色上春衫  
今朝魏紫放晴簷麗景十分添一年最好惟三月誰  
頻見兩度重三花好逢王春濃遇閏樂事艷江南  
玉女度千秋新譜曲上四句傳言玉女下四句

千秋歲後段同

壽吳母任孺人

八十稱觴齊仰裙笄尊宿如雲子姓捧鉤車歷碌春  
暉榮寸草巨室森喬木思往事青陵臺上歌黃鸝  
歌罷燈寒母績還催兒讀兒已成名孫又饒蘭玉真  
如來洞府天姥與醺醺願百歲前裙常趁晴波綠母  
以上已日設晚

過澗歇

暨陽秋城晚眺

壞堞頽關暮烟積悄乎無人祇聞江聲千尺混茫極

恍見水仙海妾採月金鰲脊吾長嘯泉底恐驚織綃客  
春申遺壘在古戍吹笳亂洲伐荻碎把闌干拍  
沙草無情不管興亡朝朝暮暮西風只送巴船笛

顯德寺前看楓葉

嵐翠濃於草鞋夾繞坡細流淥淥暗通茗雪谷聲還  
下落亂泉聲裏愀悄如相答此間景純得關仝巨然  
法寺松三百本雨溜蒼皮霜彫黛甲禿榦爭欹壓  
笑語同遊黃葉鳴簷丹楓裏寺如何不荷埋身錘

自蜀山至李墅一帶居民皆背山距河以陶

爲業沙鳥清曠墟落邈然紀之以詞

夾岸斜橋界山側袁延陌阡人家柴門俱仄翠螺織  
奇者獅蹲象跛欲起還愁踣崖門破總被老苔壽藤  
蝕居民燃楚竹散誕陶漁巖棲澗食帶雨閒搏埴  
陶侃甕前畢卓甕頭窰烟四起陣雲一朵壓城黑

側犯第二體

真娘墓和扶荔詞韻

碧闌干外小墳一點衰桃蹴淒咽剩綵袂飛灰化蝴蝶

蝶靈旗飄復偃社火明還滅芳骨約西子吳天訴潭  
月 三生事五更風陣陣錫簫歇耳邊怯怕枝頭又  
到啼紅鵲昨夜聽歌石場如雪夜臺猶卸玉簪偷節  
紅林擒近

咏佛手柑

芳樹來甌越名同吳下柑風調軼橙橘芳華擅閨襜  
玉人夜涼酒醒怪底薰透紅衫此際寶鴨休添香氣  
十分霑 月底偏濯濯枕畔故摻摻佳人笑說雪山  
花瓣曾拈自塵情未斷佛猶如此合掌長思伴玉纖  
人日雪中作

千斛玉塵暗萬家冰館開海素障窗櫺艷霜凍粧臺  
扶將銀人上勝染取白燕搖釵獻歲七日剛纔偏砌  
就瑤街 阻絕挑菜侶愁極踏青鞋何時出郭春晴  
好散春懷待傳柑過了賣錫節近前裙准傍溪水涯  
大鴻有西河之感作此代啗大鴻次子無逸

沒於嶺南幕中

黃蛤沉香浦綠犀惶恐難山郡荔枝葉驛樓鷓鴣斑  
湖海樓詞集 卷九 六一中華書局聚

鬱孤臺高一去瓊島水闊難還金齒細屐花間苦血  
灑紅蠻 黎女雙袖淚梅嶠百重關檳榔椰子枉勞  
贈自珠官悵花田草滿海天月出小籠失却金尾鷗

小鎮西

臬署夜坐聽前庭演劇似是邯鄲巡河一齣  
追憶東臬舊事感賦此詞

小颺夜笛風碎珠十斛歌絲裊檻花輕簌此何曲翠  
陰陰尋去如塵想處疑烟一庭幽瀑滿場哀玉 逗  
紗麴漸循聲細認是邯鄲曲年時景暗中潛觸瘦蛾  
蹙悵零簫剩管耳邊又續算來人世偏有黃梁難熟  
皂羅特髻

憩慶雲庵方丈後小軒

山風幾斛吹萬笏晴螺寺前堆積陰陰竹院與塵寰  
都隔斜川外幾姓漁蠻攜綠箒醉臥菱湖柵雨添濕  
翠怕晚來偏劇 小啜僧寮茗粥助玉川茶癖禪榻  
後三間茅閣恰面對九龍峯脊推窗驚叫怪龍鱗都  
裂

有有令

咏畫眉鳥

風柔日媚一盞小金籠繡簾深處墜紅苴同心結緊  
綰在東風裏最愁他點徑蜻蜓銜泥燕子往來容易  
嬌影閑臨淥水倩小玉摘相思子好把鴉兒打去  
休攬春宵睡隔花悄喚名字遠山卓氏錯認做畫眉  
郎至

最高樓

登原白齋中露臺

闌干外森森暮雲平疊疊亂峯生六街燈火烟中沒  
萬家簾幙雪中晴好樓居吟不就畫難成弄一會  
桓伊天際笛蠟一會嵇康林下屐憐故國笑浮名興  
酣便擬驂鸞去酒狂乍可御風行俯塵寰青一點月  
三更

驀山溪

感舊

碧雲薄暮畫角誰家奏深院火熒熒好風輕翠幃微

縐冰輪徐上無語掩屏山金鉤瘦蛟綃透人在銀燈  
後年時小苑良夜曾攜手低掃淡黃蛾漫垂垂玉  
人紅袖如今人去門巷也依然紅橋口香街右一帶  
青青柳

天穿節次葛魯卿韻宋以正月廿三爲天穿

節相傳女媧氏以是日補天

曉寒側側繡戶涼如水燈市火初收不十日春暄北  
里都城士女結隊踏天穿珠絡鼓畫樓旗漾在東風  
裏江南詞客生長烟花地可惜是穠春最難忘夢  
華遺事倚闌悵悵暗裏憶當年新雨後板橋西那處  
人家醉

東溪雨中修禊

蝸廬蟻國不醉公何補脫帽放狂歌自古說英雄無  
主攜朋命酒船泊畫溪東挑薺菜焙新茶飽看浪花  
舞小村背郭蘸綠楊千縷春事漸飄零總付與數  
聲柔櫓今朝天氣何必定鮮新三月雨一湖風翻樣  
蘭亭譜

惠山泉亭看月

亂崖沓嶂肯放籃輿倦鳴咽夜泉吟石欄邊冷雲鋪  
滿攜將一卷陸羽鬪茶經煎雪乳碾龍團憤向松風  
岸碧天叫鴈街鼓三更斷矯首盼冰輪心已共轆  
轤爭轉今宵桂影休墮纖綃宮人更悄夜無聲恐惹  
魚龍怨

楔日感舊悼遠公也

去年上巳正值春陰候千古艷蘭亭况歲是重逢癸  
丑濛濛烟艇小泊畫溪東林花溜溪花皺雨濕春衫  
袖今年上巳滿眼花如繡又到去年春只少箇人  
兒攜手雖然無雨難道是晴天淋漓久非關酒依舊  
春衫透

虎丘送春夜同顧伊人天石留宿山中次伊

人韻

風濤掀舞鞢韉何曾住曉黑斷人行便箬帽櫻鞋難  
去堂堂春盡含淚唱淋鈴鶯花數長亭路註定今宵  
雨夜方踰午投宿支公宇禪榻不成眠聽牆外曉

鐘將度飄紅墜粉何限寺門情挑燈句凭闌語各有  
關心處

南礪山房作

朱屏碧檻壘石支牆罅曾記鎖東風誰輕到小簾櫳  
下如今世換松鬢枉拏雲人去久小樓空園裏梅俱  
嫁支頤太息此意誰知者眼底足悲歡休騁望秦  
臺漢瓦梅風醒夢何必訴興衰閒酌酒細捶琴自把  
高懷寫

新荷葉

采蓮

水郭開奩釀成一片湖光翠蓋亭亭扶他幾隊紅粧  
誰家女伴采蓮歌競下橫塘吹來笑語竟川霧鬢風  
裳日暮歸來畫船猶剩餘香此際冰輪天邊又送  
新涼覓蓮得藕心兒苦隱隱商量今宵蓮子劈來生  
怕空房

本意

綠纈成帷江妃纖手初紉疊徧錢錢較花饒有清芬